

բաղձաթիւ հազուատ, վրաններ, պայտ ու մեխ և այլն — հայկական թաղում էր, և հայերը չէին ուզում յանձնել: Այս հողի վրա բուռն վէճ ու կռիւ էր առաջացել երկու կողմերի միջև:

Պատւիրակութիւններին մեծ դժւարութեամբ յաջողեց հաշտեցնել կուռղ կողմերը:

Մահմետական շարժումների տեսակէտից, ինչպէս կը տեսնենք յետոյ, դրութիւնը անհամեմատ աւելի վատ էր Երևանի նահանգում, ուր արիւնահեղ ճակատամարտներ էին տեղի ունենում թուրք զինւած խուժանի և հայկական կանոնաւոր զորամասերի միջև:

Վեհիբ փաշան ու կովկասեան մահմետականները շատ լաւ գիտէին, թէ ինչ են անում: Նրանք ձգտում էին խառնափնթորել կովկասը, կազմալուծել ճակատն ու թիկունքը և այդպիսով հեշտացնել թիւրք զորքերի յառաջխաղացումը, որը սկսեց յունւարի վերջերին:

Մօտ երկու ամսւայ զինադադարից յետոյ, նորից հայկական նահանգները դառնում էին թատերաբեմ պատերազմի, այս անգամ փաստորէն թիւրքիայի և հայերի միջև. ռազմաճակատում այլեւս ռուսական մասեր գրեթէ չէին մնացել, և նրանց թողած դիրքերը գրաւել էր Հայկական Կորպուսը:

1918թ. տարեգլխին կովկասեան ճակատը ներկայացնում էր հետեւեալ պատկերը.

Վանում կանգնած էր հայկական Ծրդ հրացանաձիգ գունդը և Վանի երկու գնդերը՝ կազմւած տեղական բնակչութիւնից:

Խնուսում՝ հայկական Չրդ հրացանաձիգ գունդը, Խնուսի և Ղարաքիլիսայի գնդերը՝ նոյնպէս տեղացիներից:

Էրզրումում՝ Էրզրումի հետեակ գունդը, հայկական առաջին հրացանաձիգ գունդը և Կրդ հրացանաձիգ գնդի մէկ գումարտակը, ինչպէս նաև բերդային մասեր:

Երզնկայում՝ Երզնկայի հետեակ գունդը՝ 3 գումարտակներով և կամաւորական խմբեր՝ Մուրատի ղեկավարութեամբ:

Քեպիֆիքում՝ Սեպուհի կամաւորները:

Տրապիզոնի շրջանում գեռ մնացել էին ռուսական վախտ զորամասեր, որոնք աստիճանաբար հեռանում էին Ռուսաստան: Գլխաւոր հրամանատարութեան կարգադրութեամբ Գիւմրիւշխանէ-Տրապիզոն զիծը պէտք է գրաւէին վրացական զորամասերը, բայց չգրաւեցին:

Բացի այս մասերից, դանազան վայրերում ցրւած էին նաև փոքրիկ կամաւորական խմբեր, որոնք օժանդակ դեր էին կատարում և օգնում էին ժողովրդի և թիկունքային հիմնարկութիւնների ու հաղորդակցութեան դժերի պաշտպանութեան:

Հայկական կորպուսի մի մասը դասաւորւած էր թիկունքի դանազան քաղաքներում. Երեսնում՝ հայկական Յրդ և Յրդ հրացանաձիգ գնդերը և Կրդ գնդի մէկ գումարտակը. Կարսում՝ բերդային մասերը, որոնք կազմակերպման վիճակում էին գեռ. Ալեքսանդրապոլում՝ հայկական Դրդ և Տրդ